

豫章黃先生文集

六



豫章黃先生文集第二十一

黃庭堅魯直

文二十八首

發願文

跋奚移文

祈雨文三首

撰魏王祭文

祭司馬溫公文

代尚書侍郎祭司馬溫公文

代趙樞密祭韓康公文

祭判監王元之文

祭郭給事文

祭畢朝請文

祭姚大夫文

祭李承議文

祭李元叔文

祭徐德占文

祭劉凝之文

祭范叔才文

祭李彥深文

祭周晉叔文

祭王補之安撫文

祭李仲良長官文

代宜州郡官祭党守文

祭叔父給事文

祭舅氏李公擇文

祭知命弟文

母安康郡太君祭亡女陳氏十娘文
祭李德素縣君文

發願文

菩薩師子王白淨法爲身勝義空谷中奮迅及
哮吼念弓明利箭被以慈悲甲忍力不動揺直
破魔王軍三昧常娛樂甘露爲美食解脫味爲
衆游戲於三乘住一切種智轉無上法輪我今
稱揚稱性實語以身語意籌量觀察如實懺悔
我從昔來因癡有愛飲酒食肉增長愛渴入邪

見林不得解脫今者對佛發大誓願願從今日
盡未來世不復婬欲願從今日盡未來世不復
飲酒願從今日盡未來世不復食肉設復婬欲
當墮地獄住火坑中經無量劫一切衆生爲婬
亂故應受苦報我皆代受設復飲酒當墮地獄
飲洋銅汁經無量劫一切衆生爲酒顛倒故應
受苦報我皆代受設復食肉當墮地獄吞熱鐵
丸經無量劫一切衆生爲殺生故應受苦報我
皆代受願我以此盡未來爾忍可誓願根塵清

淨具足十忍不由它教入一切智隨順如來於
無盡衆生界中現作佛事恭惟十身洞澈萬德
莊嚴於刹刹塵塵爲我作證設經歌邏羅身忘
失本願唯垂加護開我迷雲稽首如空等一痛切

跋奚移文

女弟阿通歸李安詩爲置婢無所得迺得跋奚
蹢躅離疏不利走趨顙出屋檐足未達戶樞三嫗
挽不來兩嫗推不去王人不悅廚人罵怒黃子
笑之曰堯牽羊而舜鞭之羊不得食堯舜俱疲

百羊在谷牧一童子草露晞而出草露濕而歸
不亡一羊在其指撫故曰使人也器之物有所
不可則亦有所宜警夜偷者不以馬司晝漏者
不以鷄準繩規矩異用殊施天傾西北地鉞東
南尺有所不逮寸有所覃子不通之則屨不可
運土簣不可當履坐而睨之小大俱廢子如通
之則瞽者之耳聾者之目絕利一源收功十百
事固有精於一則盡善徧用智則無功有所不
能乃有所大能焉呼陂奚來前吾爲若詔之汝

能與壯士拔距乎能與群狙爭芋乎能與八駿
取路乎能逐三窟狡兔乎皆曰不能曰是固不
能閨門之內固無所事此今將詔若可爲者汝
無狀於行當任坐作不得頑癡自令謹飭晨入
庖舍滌鎗瀹釜料簡蔬茹留精黜穢鬻肉法欲
方膾魚法欲長起漉如截肪煮餅深注湯和糜
勿投醯醢曰晚用薑蔥溲不欲焦旋殖不欲黃
飯不欲著牙揚盆勿駐沙進火守炷水汰沸鼎
斟酌薤芼生熟必告媿媿臨食肥垢撩髮染指

地杓撮截懷骨事無小大盡當關白食了滌器
三正三反拭拭蠲潔寢匙覆碗陶瓦絲素視在
謹數兄弟爲行牝牡相當日中事間浣衣漱襦
器穢器淨謹循其初素衣當白染衣增色梔鬱
爲黃紅螺蚌光接藍杵草茅蒐橐皁漿腴粉白
無不媚好燥濕處亭尉帖坦平來往之役資它
使令牛羊下來喚鷄棲桀撐拒門關開護草竊
飲飯猫犬堙塞鼠穴凡烏攫肉猫觸鼎犬馳鎗
鼠窺甑皆汝之罪也春蠶三臥升簇自裹七晝

七夜無得停火紵麻藤葛蕉任締綌錫踈手作
無有停時終緝偷工夫一日得半工一纓亦有
餘暑時蘊蒸扇涼蜜冰薰艾出蚊冰盤去蠅果
生守樹果熟守宮執弓懷彈驅嚇飛鳥無得吮
嘗日使殘少姆嫗罵譏瘡痢泄嘔天寒置籠衣
衾畢烘搔痒抑痛炙手擱凍無事倚牆鞦履可
作堂上器呼傳聲代諾截長續短鳬鶴皆憂持
勤補拙與巧者儔凡前之爲汝能之不跛奚對
曰我缺於足猶全於手如前之爲雖勞何咎黃

子曰若是則不既有用矣乎皆應曰然無不意滿

祈雨文三首

晚稻旣苗植禾將粒雲物不雨西南其風高田
塵埃下田龜拆歲且無入柰何斯民維爾有神
庇民以食能出雲雨化災爲穰吏將率民豢牲
醺酒以報靈德豈不休哉

今歲雨暘時節旣登麥而美禾迺五月辛巳汔
于今不雨以風粒者將不得堅栗苗者將不得
遂蕃庥牛而耕汗背而耘者將不得食將無以

奉輸貢賦供給祭祀官吏且失其職故以吉日
丙寅夙夜駿奔並告於爾神蒙神之休咎以膏
雨而漏下不能三刻星斗晏然使人視四郊之
枯槁色故自如鄙諺有云狐埋之而狐搯之是
以無成功春夏之交神賜厚矣豈於幾成而敗
之神聰明正直其忍不終惠民吏職不虔獄訟
之不得其情使之或奪其時吏則有罪神降災
于厥躬勿俾民病尚享

維吉日丙寅奔走丞佐以歲事謁于廟庭靈雨

其濛爲惠未徧越戊辰實用不寧身率羣吏靡
神不宗過蒙明神降鑒勤瘁忘長吏之罪而大
庇民隕雨未申之交畎漚皆盈旱苗蘇醒民有
慶色傳相告語實神之雷風與民成功澤則優
渥乃己巳庚午天高日融四無雲陰雖蟻集于
丘魚噞于淵膏雨祁祁殆不可復愚民冒陂池
之澤至於昆弟以鋤耰相逐雖風俗之不美吏
化之未加抑亦有以使然惟神血食此邦分風
雨之柄呼吸晦冥足以解紛善歲捐神所易成吏

所難是用慘怛三請神其終賜之俾民知神之
光烈威神永有依歸及其牲牷肥大酒醴酎甘
將教民美西成之報焉尚饗

撰魏王祭文

維叔父令德孝恭惟英宗神考嘉乃懿德
大啓土宇圖寧我家茲予冲人奉承慈訓叔父
秉德在庭惟喜康共今天降割股肱其虧何痛
如之上筮來咸塗屋于野輶車即路酌以薦哀
尚饗

祭司馬溫公文

嗚呼盛德之士幽明助之袞職補之民瘼去之
鰥老在邦誰能侮之帝臨明堂公實予位歸咎
無鄉天則兩涕匪天奪之乃公盡瘁民望公起
百身贖之日月川流寔宥有期馳心墓門官有
事守臨穴寫哀寓此卮酒

代尚書侍郎祭司馬溫公文

嗚呼裕陵遺弓天下岌岌九鼎旣安烝民乃粒
其功在天其信在人兩宮孝慈百度日新其天

伊何天子聖文神考之子英祖之孫其父伊何
公來自西民以安堵曰我公歸天生公德二聖
著龜以民爲基守以四夷少年椎鋒勿在王庭
我觀指紳睹耆老成九月丙辰鰥寡無蓋維斗
西柄有星見沫輿人之占憂在國棟公果隕傾
中外震動太平之基維成未落風雨漂搖今則
有託王命調護遺車有期平生一觴涕泗薦之
愛在斯民信在王室公其無憾降享芬苾

代趙樞密祭韓康公文